



НЭМЭЛТ ХУВЬЦАА ГАРГАЛТ

ҮНЭТ ЦААСНЫ ХУРААНГУЙ ТАНИЛЦУУЛГА

АНДЕРРАЙТЕР





Багануур дүүрэг, 3-р хороо, Үйлдвэрийн хэсэг, Улаанбаатар, Монгол Улс

ҮНЭТ ЦААСНЫ ХУРААНГУЙ ТАНИЛЦУУЛГА

Үнэт цаас гаргагч:	“Багануур” ХК
Бүртгэгдсэн бирж:	Монголын Хөрөнгийн Бирж
Хувьцааны код:	BAN
Үнэт цаасны бүртгэл:	Хувьцаа нэмж гаргах
Нийт хувьцааны тоо:	30,844,647 ширхэг
Хувьцааны төрөл:	Энгийн
Нэрлэсэн үнэ:	100.0 (нэг зуун) төгрөг
Нэмж гаргаж буй хувь:	32%
Нэмж гаргаж буй хувьцааны тоо:	9,870,287 ширхэг
Татан төвлөрүүлэх хөрөнгийн хэмжээ:	26,156,260,550.0 төгрөг
Хувьцааг анхдагч зах зээлд байршуулах:	Нэмж гаргаж буй хувьцааг 2016 оны 4 дүгээр сарын 11-ний өдрөөр хувьцаа эзэмшиж буй Хувьцаа эзэмшигчдэд эзэмшиж буй энгийн хувьцааны тоотой хувь тэнцүүлэн тэргүүн ээлжинд санал болгоно. Нэмж гаргаж буй хувьцааны тэргүүн ээлжинд хэрэгжээгүй үлдсэн хэсгийг олон нийтэд санал болгон худалдана.
Тэргүүн ээлжинд санал болгох үнэ:	2,650 төгрөг
Олон нийтэд санал болгох үнэ:	2,650 төгрөг
Үнэт цаасны арилжаа явуулах арга хэлбэр:	Захиалгын бүртгэлийн арга
Татан төвлөрүүлэх хөрөнгийн зарцуулалт:	Техник, тоног төхөөрөмжийн шинэчлэлт
Андеррайтерын үүрэг:	Үнэт цаас гаргагчийн нийтэд санал болгосон үнэт цаасыг худалдан аваагүй нөхцөлд тухайн үнэт цаасыг гэрээгээр тохиролцсон үнээр худалдан авах баталгаа гаргах
Андеррайтер	“Ти Ди Би Капитал ҮЦК”



ҮНЭТ ЦААС ГАРГАГЧИЙН ХУУЛИЙН ЭТГЭЭДИЙН БҮРТГЭЛ

Компанийн нэр:	“БАГАНУУР” ХК
Байгуулагдсан огноо:	1977 оны 12 дугаар сарын 16-ны өдөр
Улсын бүртгэлд бүртгэгдсэн огноо:	2005 оны 12 дугаар сарын 6-ны өдөр
Улсын бүртгэлийн дугаар:	9010001045
Регистрийн дугаар:	2008572
Үйл ажиллагааны үндсэн чиглэл:	Нүүрс олборлох, борлуулах, боловсруулах

ҮНЭТ ЦААС ГАРГАГЧИЙН ХАЯГ

Нэр:	“БАГАНУУР” ХК
Хаяг:	Монгол улс, Улаанбаатар хот, Багануур дүүрэг, 3-р хороо, Үйлдвэрийн хэсэг, “Багануур” ХК-ийн байр
Утас:	(976)-70210114, (976)-70213739
Факс:	(976)-70213130
Э-шуудан:	bjsc@baganuurmine.mn

МОНГОЛЫН ХӨРӨНГИЙН БИРЖИЙН БҮРТГЭЛ

Нэр:	“БАГАНУУР” ХК
Код:	BAN
ISIN:	MN00BAN03966
52 долоо хоногийн дундаж ханш (2015):	2,638.0 төгрөг
Зах зээлийн үнэлгээ (2015.12.31):	51.8 тэрбум төгрөг


ҮНЭТ ЦААСНЫ БҮРТГЭЛ

Багануурын нүүрсний уурхай нь 1977 оны 12 дугаар сарын 16-ны өдрийн БНМАУ-ын сайд нарын зөвлөлийн №368 дугаар тогтоолоор 100 хувь төрийн өмчит хуулийн этгээд хэлбэрээр үүсгэн байгуулагдсан. Монгол улсын Засгийн газрын өмч хувьчлалын комиссын 1993 оны 12 дугаар сарын 20-ны өдрийн №63 тоот тогтоолоор Багануурын нүүрсний уурхайг хувьцаат компани болгон өөрчилж, нийт хувьцааны 25 хувийг нийтэд худалдаж, үлдсэн 75 хувийг төрийн өмчид үлдээн төрийн өмчийг төлөөлөх эрхийг Монгол улсын Засгийн газраас эрх олгосон байгууллагад олгохоор шийдвэрлэсэн. Тус тогтоолыг үндэслэн Монголын хөрөнгийн бирж нь 1994 оны 3 дугаар сарын 18-ны өдөр “Багануур” ХК-ийн нэг бүр нь 100 төгрөгийн нэрлэсэн үнэтэй 2,097,436,000 төгрөгийн үнийн дүн бүхий нийт 20,974,360 ширхэг хувьцааг анх бүртгэсэн бөгөөд үүнээс 75% буюу 15,730,770 ширхэг хувьцааг төрийн өмчид бүртгэжээ. Засгийн газрын 2013 оны 100 дугаар тогтоол, Төрийн өмчийн хорооны 2013 оны 9 дүгээр сарын 19-ны өдрийн 488 тоот тогтоолын дагуу “Багануур” ХК-ийн төрийн өмчид бүртгэгдсэн 15,730,770 ширхэг хувьцааг “Эрдэнэс Монгол” ХХК-д шилжүүлэн бүртгэжээ.

ҮНЭТ ЦААС ГАРГАХ ҮНДЭСЛЭЛ

Компанийн тухай хуулийн 61 дүгээр зүйлийн 61.1.2, 62 дугаар зүйлийн 62.1.3 дугаар заалт, Улсын Их Хурлын 2015 оны 70 дугаар тогтоол, Засгийн газрын 2015 оны 330 дугаар тогтоол, “Багануур” ХК-ийн дүрмийн 8 дугаар зүйлийн 8.6. дахь заалтыг үндэслэн гаргасан “Багануур” ХК-ийн Хувьцаа эзэмшигчдийн ээлжит бус хурлын 2015 оны 11 дүгээр сарын 5-ны өдрийн 03 тоот тогтоолоор Компани нь нийт 9,870,287 /есөн сая найман зуун далан мянга хоёр зуун наян долоон/ ширхэг хувьцааг нэмж гарган, Хөрөнгийн биржээр дамжуулан олон нийтэд нээлттэй арилжаалахаар шийдвэрлэсэн байна.

ХУВЬЦАА ЭЗЭМШИГЧДИЙН БҮТЭЦ




*2015 оны 12 дугаар сарын 31-ний өдрийн байдлаар

НЭМЭЛТ ХУВЬЦАА ГАРГАСНЫ ДАРААХ ХУВЬЦАА ЭЗЭМШИГЧДИЙН БҮТЭЦ


№	Хувьцаа эзэмшигч	Нэмэлт хувьцаа гаргахаас өмнө		Нэмэлт хувьцаа гаргасны дараа	
		Хувьцааны тоо	Эзлэх хувь	Хувьцааны тоо	Эзлэх хувь
1	Төрийн өмч	15,730,770	75%	15,730,770	51%
2	Олон нийт	5,243,590	25%	15,113,877	49%
	Нийт	20,974,360	100%	30,844,647	100%

Нэмэлт хувьцаа гаргахаас өмнө



■ Төрийн өмч
■ Олон нийт

Нэмэлт хувьцаа гаргасны дараа



■ Төрийн өмч
■ Олон нийт



ҮНЭТ ЦААС ГАРГАГЧИЙН ТОВЧ ТАНИЛЦУУЛГА

Алсын хараа

Монгол улсын нүүрсний салбарын хөгжлийн чиг хандлагыг тодорхойлогч байна.

Эрхэм зорилго

Тогтвортой хөгжлийг хангасан, мэдлэг инновацид суурилсан үндэсний тэргүүлэгч компани болно.

Уриа

Өөрчлөлтийг өөрөөсөө эхэлж хамтдаа хөгжицгөөе.

Компанийн тухай

“Багануур” ХК нь анх 1978 онд Төвийн эрчим хүчний системийн харьяа Дулааны цахилгаан станцуудыг нүүрсээр хангах зорилгоор ажиллаж эхэлснээс хойш 38 дахь жилдээ үйл ажиллагаагаа явуулж байна. Тус компани нь Монгол улсын дотоодын нүүрсний хэрэгцээний 43 хувь, төвийн бүсийн дулааны цахилгаан станцуудын нүүрсний хэрэглээний 67 хувийг дангаараа хангаж ирсэн бөгөөд 2015 оны 2-р сарын 09-ны өдөр 100.0 сая.тн дахь нүүрсээ олборложээ. Компани нь эрчим хүч үйлдвэрлэгч байгууллагуудад нүүрс нийлүүлэхээс гадна 0-200мм бутармагтай нүүрсийг хэрэглэгчдэд нийлүүлдэг.

Компанийн үйлдвэрлэлийн жилийн хүчин чадал нь 4.0 сая.тн бөгөөд дотоодын хэрэглэгчдийн нүүрсний хэрэгцээнээс хамаарч жилд 3.6-3.8 сая тонн нүүрсийг олборлож, 16.0-18.0 сая шоо метр хөрс хуулж, авто тээвэртэй болон тээвэргүй хосолсон ашиглалтын системээр олборлолт явуулж байна. Уурхайн үйлдвэрлэлийн талбайд иж бүрэн механикжсан нүүрсний уурхай, нүүрсийг буталж, ангилан ялгаж, ачих хоёр ширхэг технологи дамжлага, уул-тээврийн тоног төхөөрөмжийн үйлчилгээний машин засварын газрууд, сэлбэг хэрэгсэл, тоног төхөөрөмжийн механикжсан агуулахын аж ахуй, кислород компрессорын станц ажиллаж үйлдвэрлэлийн тасралтгүй үйл ажиллагааг хангаж байна.

Уурхай нь байгуулагдсанаасаа хойш анхны төсөл болох ЗХУ-ын ГИПРОШАХТ институтын боловсруулсан төслийг мөрдлөг болгон ажиллаж байсан ба 1995 оноос техник технологийн шинэчлэл хийх, хөрс хуулалтын хоцрогдлыг арилгах, нүүрс олборлолтыг тогтворжуулах зорилгоор “Монгол нүүрс” төслийг хэрэгжүүлэн уурхайн өмнө тулгарч байсан олон хүндрэлтэй асуудлыг шийдвэрлэсэн. 2014 онд Олон улсын хөгжлийн ассоциациас Монгол улсын Засгийн газарт үзүүлсэн зээлийн тусламжаар Уул уурхайн дэд бүтцийн хөрөнгө оруулалтыг дэмжих төслийн хүрээнд Багануурын нүүрсний ордын нэмэлт хайгуул, нөөцийн тодотгол тооцооны ажлыг “Эрдгео” ХХК болон “Норвест” корпораци хийж гүйцэтгэсэн байна. Уг хайгуулын ажлын үр дүнд орд газрын нөөц 290 сая тонноор нэмэгдэж, 2015 оны 1 дүгээр сарын 1-ний өдрийн байдлаар, ашигт малтмалын улсын нэгдсэн бүртгэлд бүртгэгдсэнээр нийт орд талбайн хэмжээнд тооцоолсон нүүрсний нөөц 812 сая тонн болсон бөгөөд олон улсын JORC стандартаар үнэлэгдсэн нүүрсний нийт нөөц 839 сая тонн болж нэмэгдсэн байна. Компани 2015 оноос эхлэн Дэлхийн банкны хөрөнгө оруулалтаар уурхайн хаалт хүртэлх урт хугацааны ТЭЗҮ боловсруулж байгаа бөгөөд 2016 онд тус ТЭЗҮ-ийг хүлээлгэн өгөхөөр ажиллаж байна. Мөн уурхайн хөрс, нүүрс тээвэрлэлтийн зардлыг багасгах, нүүрс, нүүрсэн бүтээгдэхүүний үйлдвэрлэлийг нэмэгдүүлж өрсөлдөх чадварыг сайжруулах, цаашдын хөгжлийн чиг хандлагыг тодорхойлсон 2014-2018 он хүртэлх компанийн стратеги төлөвлөгөө, хөгжлийн хөтөлбөрийг хэрэгжүүлэн ажиллаж байна.

ОРД ГАЗАР

Багануурын хүрэн нүүрсний орд нь Улаанбаатар хотоос зүүн хойш 130 км, Төв аймгийн Баяндэлгэр сумын төвөөс зүүн зүгт 15 км зайтай, Тавансувайн хөндийд, Хэрлэн голын сав газарт оршдог. Мааньт өртөөтэй 80 км төмөр замаар холбогдсон ба Улаанбаатараас Дорнодын чиглэлд тавигдсан асфальт бетон хучилттай авто зам дайран өнгөрдөг. Засаг захиргааны хувьд Нийслэлийн Багануур дүүрэгт харъяалагдана. Багануурын нүүрсний орд нь газарзүйн хувьд хойд өргөрөгийн 41°39'45", баруун уртрагийн 108°17'50" солбилцолд оршино.

Орд газрын үндсэн үзүүлэлт

Үзүүлэлт	
Эзэмшил газрын хэмжээ	3597.11 га
Ордын нийт нүүрсний нөөц	812.0 сая.тн /2015 оны 1 сарын 1-ны байдлаар/
Ордын талбай	14x5 км
Нүүрсний үндсэн давхаргын тоо	3
Хөрсний дундаж зузаан	80 метр
Нүүрсний үнслэг	дунджаар 17.5%
Нүүрсний ажлын чийг	дунджаар 37.5%
Нүүрсний хүхрийн агуулга	дунджаар 0.38% (шатах массдаа 0.73%)
Нүүрсний илчлэг	3360 кКал/кг
Нүүрсний хувийн жин	1.23-1.31 тн/м³
Хөрсний хувийн жин	1.95-2.25 тн/м³
Гүний усны ундарга	1100 м³/цаг

“Багануур” ХК-ийн эзэмшиж буй ашигт малтмалын тусгай зөвшөөрөл

Үзүүлэлт	Ашиглалт	Ашиглалт	Ашиглалт
Тусгай зөвшөөрлийн дугаар	MV-001371	MV-013630	MV-013631
Байршил	УБ хот, Багануур дүүрэг, Нарийний тал	УБ хот, Багануур дүүрэг, Нарийний тал	УБ хот, Багануур дүүрэг, Нарийний тал-1
Талбайн хэмжээ	1,444.06 га	12.24 га	2,140.81 га
Тусгай зөвшөөрлийн хугацаа	30 жил 1998.10.09-2028.10.09	30 жил 2008.05.01-2038.05.01	30 жил 2008.05.01-2038.05.01

Орд газрын нөөц

Хамрагдах талбай	Гүний түвшин (үнэмлэхүй түвшин, м)	Нүүрсний ангилал (MNS 6456)	Нийт нөөц (мян.тн)				Нийт нөөц (мян.тн)
			Баттай (А)	Бодитой (В)	Баттай болон бодитой (А+В)	Боломжтой (С)	
Орд газрын нийт нөөц	1200м хүртэл	X2	188,850.47	256,808.53	445,659.0	41,224.84	486,883.84
	1200м-960м	X1	136,843.15	174,246.09	311,089.24	14,087.52	325,176.76
	Дүн		325,693.62	431,054.62	756,748.24	55,312.36	812,060.60
Үүнээс, “Багануур” ХК-ийн эзэмшиж буй ашиглалтын тусгай зөвшөөрлийн хүрэн дэх нөөц	1200м хүртэл	X2	115,883.42	117,275.73	233,159.15	20,268.15	253,427.31
	1200м-960м	X1	54,989.45	71,175.10	126,164.55	2,243.93	128,408.49
	Дүн		170,872.87	188,450.84	359,323.71	22,512.09	381,835.79

Багануурын орд газрын уламжлалт блокийн болон зүсэлтийн аргаар тооцон ашигт малтмалын нөөцийн улсын нэгдсэн бүртгэлд бүртгүүлсэн нөөцийн хэмжээ нь 2015 оны 1 дүгээр сарын 1-ний өдрийн байдлаар 812 сая тонн байна.



УУРХАЙЛАЛТ

Уурхайн ашиглалтын хэмжээ

Уурхай 1978 онд анх байгуулагдсанаас хойш 2015 он хүртэлх буюу 37 жилийн хугацаанд нийт 103.1 сая.тн нүүрс олборлон борлуулж, 359.1 сая.м3 хөрс хуулалтын ажлыг хийсэн. Үүнээс тээвэргүй хөрс хуулалт 162.9 сая.м3, төмөр замаар 24.2 сая.м3, 171.9 сая.м3 авто тээвэртэй хөрс хуулалтын ажлыг хийсэн байна. Мөн хөрс шидэлтийн ажлыг 107.8 сая.м3, инженерийн ажил 28.4 сая.м3, нөхөн сэргээлтийн ажил 9.4 сая.м3, 8.8 сая.м өрөмдлөгийн ажлыг хийж 663.5 сая.м3 уулын цулын ажил хийж гүйцэтгэсэн байна.

Тус ордыг ашиглахаар 1977 онд ЗСБНХУ-ын Гипрошахт институтэд анхны төслийг боловсруулж түүний дагуу ил уурхайн ашиглалтыг өнөөг хүртэл явуулж байна. Уг төслөөр ордыг нийт 15км урт, 8 км өргөн, нийт 60км2 талбайд 1, 2, 3, 4, 5 гэсэн хэсгүүдэд хуваасны 1, 2, 5-р хэсгүүдийн уулын ажил нь үргэлжлэн явагдсаар байна. 2015 оны байдлаар уурхай нь 80 - 125м гүн, 1300м өргөн, 9000м урттай, 1170 га талбайг хамарч байна. Уулын 1-р хэсэгт уурхайн нүүрсний үндсэн олборлолт явагддаг ба нүүрсний 2, 2а, 3-р давхраасуудыг ашигладаг.

Уурхай нь хөрсөө дотоод болон гадаад овоолгод байрлуулдаг бөгөөд гүний ус зайлуулалтын ажлыг тогтмол хийж, жилдээ дунджаар 70 гаруй цооногоор 4.5-5.0 сая.м3 ус шүүрүүлэн зайлуулж байна. Уурхайн цахилгаан эрчим хүчний хэрэгцээг төвийн бүсийн шугамаас хангадаг. Нүүрс борлуулалтын 94.4 хувийг цахилгаан станцуудад, 5.6 хувийг бусад жижиг хэрэглэгчдэд нийлүүлж байна. Нүүрсний нийлүүлэлтийг томоохон хэрэглэгчдэд төмөр замаар хүргэдэг ба жижиг хэрэглэгчид өөрийн авто тээврээр татан авч байна.

“Багануур” ХК-ийн сүүлийн 5 жилийн уурхайн ажлын хэмжээ

Уулын ажлын үзүүлэлт	Хэмжих нэгж	2011	2012	2013	2014	2015
Нүүрс олборлолт	мян.тн	3,253.3	3,541.6	3,876.7	3,617.1	3,731.2
Нүүрс борлуулалт	мян.тн	3,263.8	3,541.6	3,824.5	3,683.3	3,747.0
Хөрс хуулалт	мян.м3	15,453.3	15,259.8	18,640.5	17,269.3	19,135.7
Нийт уулын цул	мян.м3	26,398.2	26,590.7	30,566.5	29,363.8	30,855.6

Уурхайн ашиглалтын үндсэн технологи

Багануурын уурхай нь уулын 2 хэсэгт тээвэртэй, тээвэргүй ашиглалтын хосолсон систем бүхий технологийг хэрэглэн хөрс хуулалтын ажлыг явуулж байна. Хөрсний дээд доголлуудад тээвэртэй, доод доголд тээвэргүй хөрс хуулалт, нүүрсний давхаргад тээвэртэй ашиглалтын системийг хэрэглэж байна. Мөн нүүрсний давхарга хоорондын хөрс хуулалтанд тээвэргүй хөрс хуулалт хийх зэргээр уулын ажлыг аль болох бага зардлаар явуулах арга замыг мөрдлөг болгон ажиллаж байна.

Уурхайн барилга байгууламж, тоног төхөөрөмжүүдийн дийлэнх нь төслийн хөрөнгө оруулалтаар шийдэгдсэн, олон жил үр бүтээлтэй ашиглагдаж байгаа болно. Багануурын уурхайн хөрс хуулалтанд ОХУ-д үйлдвэрлэсэн алхагч, шууд утгуурт экскаваторууд, нүүрс олборлолтод шууд утгуурт, гидравлик экскаватор, ачигч, 160-240мм өрөмдөх өрмийн машинууд, уурхайн дотоод тээвэрт Беларусь улсын Белаз, АНУ-ын Катерпиллар, Япон улсын Комацу зэрэг 45-90тн даацтай автосамосвалууд, өрөмдлөгт ОХУ-ын СБР-160, АНУ-ын Сэндвик фирмийн D-50ks өрмийн машинууд уулын үндсэн тоног төхөөрөмжүүд ажиллаж байна.

МОНГОЛ УЛСЫН НҮҮРСНИЙ ЗАХ ЗЭЭЛ

Монгол улсын нүүрсний нөөц

2013 оны байдлаар Монгол улсын нүүрсний геологийн нийт нөөц 175.5 тэрбум тонн бөгөөд үүнээс хайгуулын ажлын үр дүн болон нарийвчилсан судалгааны ажилд үндэслэн баталгаажсан нөөц 26.8 тэрбум тонн байна. Монгол улсын эдийн засгийн төв бүсүүдэд байрлах Багануур, Шивээ-Овоо, Төгрөг нуур, Тэвшийн говь, Цайдам нуур, Налайх, Шарын гол, Нарийн сухайт, Улаан-Овоогийн чулуун нүүрс, Таван толгойн коксжих нүүрсний орд газруудад нүүрсний судлагдсан нөөцийн 90% гаруй хувь нь төвлөрч байна. 2015 оны байдлаар Монгол улсын ашигт малтмалын ашиглалтын тусгай зөвшөөрлийн 18.7 хувийг нүүрсний тусгай зөвшөөрөл эзэмшиж байна.


Монгол улсын нүүрсний тэнцэл

Үзүүлэлтүүд (мянган тонн)	2010	2011	2012	2013	2014	2015
Нийлүүлэлт						
Эхний үлдэгдэл	1,344.0	2,874.1	8,883.0	8,857.5	8,124.2	6,555.4
Үйлдвэрлэсэн	25,161.9	32,029.7	29,926.1	30,123.3	25,287.8	24,148.9
Төрийн өмчит уурхай	10,459.5	12,090.3	10,335.6	12,322.2	11,087.5	n/a
Хувийн хэвшлийн уурхай	14,702.4	19,939.4	19,590.5	17,801.1	14,200.3	n/a
Импорт	0.2	0.1	0.3	0.7	1.4	n/a
Нийт бэлэн бүтээгдэхүүн, мянган тонн	26,506.1	34,903.9	38,809.4	38,981.5	33,413.4	30,704.3
Хэрэглээ						
Дулааны цахилгаан станцад хэрэглэсэн	5,533.2	5,410.1	5,800.9	6,374.7	6,650.9	6,980.0
ААНБ болон өрхөд түлшний зориулалтаар нийлүүлсэн:	1,372.6	1,405.2	1,580.4	1,806.2	1,691.3	1,780.0
Үйлдвэр, барилга	179.6	221.9	336.6	222.7	144.0	n/a
Тээвэр, холбоо	49.5	52.5	42.2	11.3	49.9	n/a
Хөдөө аж ахуй	10.0	8.9	3.7	7.5	8.1	n/a
Орон сууц, нийтийн аж ахуй	614.9	641.3	637.0	787.5	568.4	n/a
үүнээс: өрхөд	612.3	639.7	626.0	783.2	563.6	n/a
Бусад	518.6	427.5	480.8	615.1	532.4	n/a
Нийт хэрэглээ	6,905.8	6,815.3	7,381.3	8,180.9	8,342.2	8,760.0
Дахин боловсруулах үйлдвэрт	-	2,578.1	7,047.1	10,082.9	4,590.2	n/a
Экспорт	16,726.2	21,296.0	15,523.5	12,593.5	14,314.1	14,472.7
Тээвэрлэх, хадгалах үеийн хорогдол	-	53.1	80.1	162.1	388.5	n/a
Эцсийн үлдэгдэл	2,874.1	4,214.5	8,937.6	8,286.3	6,555.4	n/a

Монгол улсын нүүрсний зах зээлийн нийлүүлэлт

Нүүрсний экспортын хэмжээ 2011 онд түүхэн дэх хамгийн өндөр түвшинд 21.3 сая тонн буюу 2.3 тэрбум ам.долларт хүрсэн бол 2015 оны байдлаар 14.4 сая тонн буюу 555.9 сая ам.доллар болсон байна. БНХАУ нь дэлхий хамгийн том нүүрс олборлогч болон хамгийн том нүүрс хэрэглэгч бөгөөд дэлхийн нийт нүүрсний хэрэглээний 50 орчим хувийг дангаараа хэрэглэдэг байна. Монгол Улс 2003 оноос эхлэн БНХАУ-д нүүрс экспортод гаргаж байгаа бөгөөд 2015 оны байдлаар экспортолсон нүүрсний 95 хувь нь БНХАУ руу экспортлогдсон бөгөөд үлдсэн хэсгийг Сингапур, БНСУ, ОХУ, Их Британи улсууд руу нийлүүлжээ.

Нүүрсний салбарт төрийн өмч давамгайлсан “Багануур” ХК, “Шивээ-Овоо” ХК, орон нутгийн өмч давамгайлсан “Тавантолгой”, “Баянтээг”, “Могойнол” ХК-ууд, хувийн болон гадаадын хөрөнгө оруулалттай нүүрс олборлогч, нийт 40 гаруй аж ахуйн нэгжүүд идэвхитэйгээр үйл ажиллагаагаа явуулж байгаа ба 2015 оны эцсийн байдлаар нийтдээ 24.15 сая тн нүүрс олборлосон байна.




Эх сурвалж: Үндэсний статистикийн хороо

Монгол улсын нүүрсний зах зээлийн эрэлт

Монгол улсын нүүрсний эрэлтийн дийлэнх хэсгийг эрчим хүчний нүүрс эзлэх бөгөөд цөөн тооны томоохон дулааны цахилгаан станцуудын нүүрсний захиалгаас шууд хамааралтай байдаг. Монгол улсад үйл ажиллагаа явуулж буй томоохон эрчим хүчний нүүрсний уурхайнууд нь тухайн бүс, орон нутаг болон улсын хэмжээний станцуудыг нүүрсээр хангах зорилгоор байгуулагдсан бөгөөд шинэ дулааны цахилгаан станц ашиглалтад орох, хуучин дулааны цахилгаан станцуудын өргөтгөл, шинэчлэл хийж хүчин чадлаа нэмэгдүүлэхэд нүүрсний эрэлт даган нэмэгддэг. Монгол улсын хувьд эрчим хүчний хэрэгцээгээ бүрэн хангах боломжгүй байгаа бөгөөд эрчим хүчний хэрэглээний 20 орчим хувийг ОХУ болон БНХАУ-аас импортлон ашигладаг.

2015 оны байдлаар Монгол улсын нүүрсний нийт олборлолтын хэмжээ 24.15 сая тонн байсан бөгөөд дотоодын хэрэглээ 8.76 сая тонн, түүнээс дулааны цахилгаан станцуудын хэрэглээ 6.98 сая тонн байна. Монгол Улс нь нүүрсний хэрэгцээгээ 100% дотооддоо олборлон хангадаг.




Эх сурвалж: Үндэсний статистикийн хороо, Ашигт малтмалын газар, Статистик мэдээ 2015/XII

ҮНЭТ ЦААС ГАРГАГЧИЙН ЗОРИЛТОТ ЗАХ ЗЭЭЛ

“Багануур” ХК нь 2015 оны байдлаар Монгол улсын нийт нүүрсний хэрэгцээний 43 хувь, төвийн бүсийн эрчим хүчний системийн дулааны цахилгаан станцуудын хэрэглээний 67% хувийг дангаараа ханган ажиллаж байна.

Үнэт цаас гаргагчийн зах зээлд эзлэх байр суурь




Эх сурвалж: Үндэсний статистикийн хороо, Эрчим хүчний зохицуулах хороо, Багануур ХК

Үнэт цаас гаргагчийн зорилтот зах зээл

“Багануур” ХК нь төвийн бүсийн эрчим хүчний системийн станцууд болох Улаанбаатар хотын “ДЦС-4” ТӨХК, “ДЦС-3” ТӨХК, “ДЦС-2” ТӨХК, “Багануур ДС” ТӨХК-уудад нүүрс нийлүүлж ирсэн бөгөөд эдгээр хэрэглэгчид нь уурхайтай төмөр замаар холбогдсон бөгөөд нүүрс нийлүүлэхэд ямар нэгэн тээврийн хүндрэлгүй тул Багануур уурхай өөрийн зорилтот зах зээл хэмээн тодорхойлдог байна. Үүнээс гадна 2006 оноос Дархан, Эрдэнэт, Сэлэнгийн ДЦС-уудад нүүрс нийлүүлж эхэлсэн ба цаашид уг зорилтот зах зээл нь 2015 онд шинээр ашиглалтанд орсон “Амгалан ДС”, 2017-2018 онд ашиглалтанд оруулахаар төлөвлөж буй “ДЦС-5”, “Багануурын ЦС”-уудаар хүрээгээ тэлэх төлөвтэй байна.

“Багануур” ХК-ийн зорилтот зах зээлийн хэрэглээний төлөв



Эх сурвалж: Багануур ХК



ҮНЭТ ЦААС ГАРГАГЧИЙН САНХҮҮГИЙН ҮЗҮҮЛЭЛТ

“Багануур” ХК болон түүний охин компаниудын нэгтгэсэн дэлгэрэнгүй орлогын тайлан

Үзүүлэлт /сая.төг/	2013 “Багануур” ХК	2014 Нэгтгэсэн	2015 Нэгтгэсэн
Борлуулалтын орлого	86,269.9	90,914.3	101,597.1
Борлуулсан бүтээгдэхүүний өртөг	(77,412.1)	(70,289.3)	(95,500.8)
Нийт ашиг	8,857.8	20,625.0	6,096.3
Бусад орлого	5,224.1	5,458.7	6,030.5
Удирдлагын зардал	(5,787.1)	(4,712.5)	(5,404.2)
Бусад зардал	(643.4)	(2,487.1)	(3,608.6)
Санхүүгийн зардал	(4,573.9)	(5,070.2)	(4,564.4)
Хараат компани дахь ашгийн хувь	69.0	62.2	73.3
Татварын өмнөх ашиг	3,146.4	13,876.1	(1,377.0)
Тайлант жилийн	(19.1)	(3,249.0)	3,217.8
Хойшлогдсон	(364.2)	53.7	87.9
Тайлант жилийн татварын дараах ашиг	2,763.1	10,680.8	1,928.6
Бусад дэлгэрэнгүй орлого	-	-	-
Татварын дараах нийт дэлгэрэнгүй орлого	2,763.1	10,680.8	1,928.6

“Багануур” ХК болон охин компаниудын нэгтгэсэн санхүүгийн байдлын тайлан

Үзүүлэлт /сая.төг/	2013 “Багануур” ХК	2014 Нэгтгэсэн	2015 Нэгтгэсэн
Мөнгө ба түүнтэй адилтгах хөрөнгө	9,299.6	3,115.3	6,180.4
Дансны авлага	5,454.5	9,903.3	8,757.1
Бараа материал	12,306.7	14,638.4	14,009.7
Урьдчилж төлсөн зардал ба бусад авлагууд	2,508.4	3,531.2	1,900.2
Эргэлтийн хөрөнгийн дүн	29,569.2	31,188.2	30,847.4
Уурхайн хөрөнгө	7,419.7	24,943.1	36,056.7
Үндсэн хөрөнгө	73,629.1	74,371.1	68,560.2
Биет бус хөрөнгө	17.7	19.7	305.3
Хараат компанид оруулсан хөрөнгө оруулалт	807.5	160.6	274.0
Хойшлогдсон татварын хөрөнгө	1,151.1	1,204.8	1,292.7
Эргэлтийн бус хөрөнгийн дүн	83,025.1	100,699.4	106,488.9
Нийт хөрөнгийн дүн	112,594.3	131,887.6	137,336.3
Дансны болон бусад өглөг	22,401.3	32,808.9	44,732.2
Зээллэг	19,802.2	18,563.6	23,917.3
Засгийн газрын тусламж	3,215.8	2,487.9	2,461.3
Орлогын албан татварын өглөг	0.0	3,157.2	11.2
Богино хугацаат өр төлбөрийн дүн	45,419.3	57,017.6	71,121.9
Зээл	31,224.6	24,761.7	15,257.4
Засгийн газрын тусламж	26,657.7	28,802.6	25,921.7
Сан	1,140.3	1,107.0	1,374.5
Ажилчдын тэтгэврийн сан	7,288.6	8,014.0	9,547.4
Урт хугацаат өр төлбөрийн дүн	66,311.2	62,685.3	52,101.0
Нийт өр төлбөрийн дүн	111,730.5	119,702.8	123,222.9
Энгийн хувьцаа	2,097.4	2,097.4	2,097.4
Хуримтлагдсан ашиг (алдагдал)	(1,233.6)	10,087.3	12,015.9
Нийт эздийн өмчийн дүн	863.8	12,184.7	14,113.4



ҮНЭТ ЦААС ГАРГАЖ ХУРИМТЛУУЛСАН ХӨРӨНГИЙГ ЗАРЦУУЛАХ ТӨЛӨВЛӨГӨӨ

Компани нь улсын дотоодын нүүрсний хэрэгцээний 43 орчим хувийг дангаар хангадаг тэргүүлэх эрчим хүчний нүүрс олборлогчийн хувьд тасралтгүй өсөн нэмэгдэх нүүрсний хэрэглээг найдвартай хангах үүрэг хүлээж байдаг.

Зөвхөн шинээр ашиглалтанд орох Багануурын ЦС-д нүүрс нийлүүлэхийн тулд Компани 2017 оноос 7.5 сая м3, 2018 онд 10.8 сая м3 хөрс хуулалтын нэмэлт ажил хийх шаардлага үүсэж байна. Уг ажлыг гүйцэтгэхийн тулд нэмэлт хувьцаа гарган татан төвлөрүүлсэн хөрөнгөөр тухайн ажилд зайлшгүй шаардагдах техникүүдийг худалдан авах, угсралт туршилтын ажлыг 2016 онд хийж дуусган, 2017 оноос бүрэн хүчин чадлаар ажиллуулахаар төлөвлөсөн.

Нэмэлт хувьцаанаас төвлөрүүлэх хөрөнгийн эх үүсвэрээр хийх хөрөнгө оруулалтын төлөвлөгөө

№	Хөрөнгө оруулалтын нэр	Х/н	Ажлын хэмжээ	Нэгж үнэ (мян.төг)	Нийт үнэ (мян.төг)	Тайлбар
1	Экскаватор /15м3/	шир	1	8,322,593.60	8,322,593.60	Хүчин чадал өргөтгөл
2	Хөрс тээврийн автосамосвал /100тн/	шир	4	2,331,753.40	9,327,013.70	Хүчин чадал өргөтгөл
3	Нүүрс тээврийн автосамосвал /60тн/	шир	2	1,800,000.00	3,600,000.00	Хүчин чадал өргөтгөл
4	Тэсэлгээний өрмийн машин /224мм/	шир	1	2,750,000.00	2,750,000.00	Хүчин чадал өргөтгөл
5	Гинжит Бульдозер	шир	1	1,930,988.50	1,930,988.50	Хүчин чадал өргөтгөл
6	Туршлага судлах, дадлага сургалт				69,404.20	Хүчин чадал өргөтгөл
НИЙТ ДҮН					26,000,000.00	





ҮНЭТ ЦААС ГАРГАГЧИЙН ХӨРӨНГИЙН БОЛОН БИЗНЕСИЙН ҮНЭЛГЭЭНИЙ ТАЙЛАНГИЙН ДҮГНЭЛТ

“Үндэсний Реалти” ХХК нь Үнэт цаас гаргагчийн хөрөнгийн болон бизнесийн үнэлгээг 2015 оны 12 дугаар сарын 31-ний өдрийн байдлаар гүйцэтгэж, үр дүнг 2016 оны 4 дүгээр сарын 26-ны өдөр “Хөрөнгийн үнэлгээний тайлан” болон “Бизнесийн үнэлгээний тайлан”-аар хүргүүлсэн байна.

Хөрөнгийн үнэлгээний үр дүн

№	Дансны нэр	Нэр төрөл	Тоо ширхэг	Үнэлгээ (мянган төгрөг)		
				Орлуулалтын өртөг	Хуримтлагдсан элэгдэл	Үлдэгдэл өртөг
Үндсэн хөрөнгө						
1	Орон байр	114	114	57,177,789.6	23,460,175.7	33,717,613.9
2	Байгууламж	216	218	37,215,931.8	21,876,086.6	15,339,845.2
3	Дамжуулах байгууламж	55	70	6,326,905.4	4,197,575.1	2,129,330.3
4	Эд хогшил	1,696	6,028	2,847,565.0	1,259,988.2	1,587,576.8
5	Ажлын машин	214	325	4,090,966.4	2,193,691.8	1,897,274.6
6	Хүчний машин	305	389	261,940,782.6	188,330,894.4	73,609,888.2
7	Тээврийн хэрэгсэл	85	85	5,290,028.9	2,363,219.6	2,926,809.3
8	Бусад үндсэн хөрөнгө	29	29	65,159.7	43,035.5	22,124.2
9	Холбооны хэрэгсэл	176	263	191,430.0	122,791.1	68,638.9
10	Хэмжих хэрэгсэл	113	115	772,184.4	470,184.0	302,000.4
		3,003	7,636	375,918,743.9	244,317,642.1	131,601,101.8
Биет бус хөрөнгө						
11	Програм хангамж	25	340	452,769.7	137,782.9	314,986.8
12	Газар эзэмших эрх	2	2	-	-	656,858.4
		27	342	452,769.7	137,782.9	971,845.2
Нийт дүн		3,028	7,978	376,371,513.5	244,455,425.0	132,572,946.9

Компанийн зэх зээлийн үнэ цэнийн сууриар илэрхийлэгдсэн үндсэн хөрөнгийн үнэ цэнэ 132.6 тэрбум төгрөг байхаар тооцоологдсон бөгөөд үүнд бусад хөрөнгийн болон орд газрын үнэ цэнэ 100.3 тэрбум төгрөгөөр нэмэгдэн, 123.2 тэрбум төгрөгийн өр төлбөр хасагдсанаар цэвэр хөрөнгийн аргаар тооцсон үнэ цэнэ 105.9 тэрбум төгрөг болсон байна.

Бизнесийн үнэлгээний үр дүн

Д/д	Үнэлгээний арга	Тухайлсан үнэ цэнэ (мянган төгрөг)	Ач холбогдолын хувь	Жинлэсэн үнэлгээ (мянган төгрөг)
1	Цэвэр хөрөнгийн арга	105,916,964.9	0.15	15,887,544.7
2	Цэвэр мөнгөн гүйлгээг хорогдуулан тооцох арга	43,044,280.5	0.45	19,369,926.2
3	Арилжааны үнийн харьцуулалтын арга	58,425,129.0	0.40	23,370,051.6
	Бизнесийн үйл ажиллагааны үнэ цэнэ			58,627,522.6

Үнэлгээний байгууллага нь Үнэт цаас гаргагчийн 2015 оны 12 дугаар сарын 31-ний үнэлгээний өдрөөрх бизнесийн үйл ажиллагааны үнэ цэнийг 58,627,522.6 мянган төгрөг болохыг тодорхойлсон. Бизнесийн үнэлгээ хийсэн 2015 оны 12 дугаар сарын 31-ний өдрөөр Компанийн энгийн хувьцааны тоо 20,974,360 ширхэг бөгөөд нэгж энгийн хувьцааны зах зээлийн үнэ цэнийг 2,795.20 төгрөг байхаар тооцож гаргасан байна.

Тус тайланд үндэслэн Компанийн ТУЗ-ийн 2016 оны 4 дүгээр сарын 28-ны өдрийн 29 тоот тогтоолоор Компанийн нэмж гаргаж буй хувьцааг нийтэд санал болгох үнийг 2,650 төгрөгөөр тогтоосон байна.



АНХДАГЧ ЗАХ ЗЭЭЛИЙН АРИЛЖААНД ОРОЛЦОХ УДИРДАМЖ

Монголын хөрөнгийн биржид бүртгэлтэй “Багануур” ХК-ийн нэмж гаргаж буй 9,870,287 ширхэг энгийн хувьцааг дараах хэлбэрээр зах зээлд байршуулна.

1. Нэмж гаргаж буй хувьцааг 2016 оны 4 дүгээр сарын 11-ний өдрөөр хувьцаа эзэмшиж буй хувьцаа эзэмшигчдэд эзэмшиж буй хувьцааны тоотой хувь тэнцүүлэн тэргүүн ээлжинд санал болгох ба тэргүүн ээлжинд хувьцааг санал болгох үнэ 2,650.0 /хоёр мянга зургаан зуун тавин/ төгрөг байна.
2. Тэргүүн ээлжинд худалдан авах эрхтэй хувьцаа эзэмшигчдийн нэмж гаргаж буй хувьцаанаас тэргүүн ээлжинд худалдан авах эрхээ хэрэгжүүлээгүй үлдсэн хувьцааг олон нийтэд нээлттэй санал болгон Захиалгын бүртгэлийн аргаар арилжаалах ба олон нийтэд санал болгох үнэ нь 2,650.0 /хоёр мянга зургаан зуун тавин/ төгрөг байна.

Хувьцааг анхдагч зах зээлд байршуулах

Хувьцаа худалдан авах хүсэлтэй хувь хүн, хуулийн этгээд нь арилжаанд оролцох захиалгаа Андеррайтер болон нэмэлт хувьцаа гаргагч “Багануур” ХК-аас хувьцааг нийтэд санал болгон сурталчилж эхэлсэн өдрөөс эхлэн анхдагч зах зээлийн арилжаа нээгдэх хугацаанд багтан өгөх боломжтой.

Анхдагч зах зээлийн арилжааг явуулах хугацаа нь ажлын 2 хоног байх ба анхдагч зах зээлийн арилжаа буюу захиалгын бүртгэлийг хийх өдрийг зохицуулах байгууллагуудаас зөвшөөрсөн болон Монголын хөрөнгийн биржийн цахим хуудсаар нийтэд мэдээлсэн өдрийн 11:00 цагаас эхлэн 13:00 цаг хүртэл явуулна.

Харилцагчийн захиалгыг хүлээн авах, бүртгэх үйл ажиллагааг “Монголын хөрөнгийн бирж” ТӨХК-ийн Үнэт цаасны анхдагч зах зээлийн арилжааны журмын дагуу явуулах бөгөөд андеррайтер нь зах зээлийн идэвхи, эрэлтээс хамааран 10 /арван/ сая төгрөг болон түүнээс доош үнийн дүнтэй захиалгуудыг шууд биелүүлэхээр эрмэлзэж ажиллана.

Үнэт цаас өмчлөх эрх бүртгэх ажиллагаа, хувьцааны анхдагч болон хоёрдогч зах зээл дээрх төлбөр тооцоог “ҮЦТХТ” ХХК, “Арилжааны төлбөр тооцоо” ХХК хийж гүйцэтгэнэ.

Хувьцаа худалдан авах

Хувьцааны анхдагч зах зээлийн арилжаанд Монгол улсын болон гадаадын иргэд болон хуулийн этгээд оролцох боломжтой бөгөөд хувьцаа эзэмших хүсэлтэй хөрөнгө оруулагчид нь “ҮЦТХТ” ХХК-д үнэт цаасны данс нээлгэн арилжаанд оролцох боломжтой.

Хувьцаа худалдан авах хүсэлтэй иргэд болон хуулийн этгээд нь хувьцаа худалдан авах мөнгийг / төлбөрийг/ холбогдох шимтгэлийн хамт “ҮЦТХТ” ХХК дахь өөрийн үнэт цаасны дансандаа анхдагч зах зээлийн арилжаа явагдахаас 2 цагийн өмнө байршуулсан байх шаардлагатайг анхаарна уу. Тус хугацаанаас хойно шилжин орсон мөнгийг төлбөр гүйцэтгэх болон арилжаа эрхлэх байгууллагууд хүлээн авах боломжгүй болно.

“ҮЦТХТ” ХХК дахь дансандаа хувьцаа худалдан авах мөнгө шилжүүлэх

Гүйлгээ хийлгэх банк:	Өөрийн хүссэн банкаар
Хүлээн авах банкны нэр:	Арилжааны төлбөр тооцоо ХХК
Дансны дугаар:	12 оронтой үнэт цаасны данс /өөрийн брокер, дилерийн компаниас лавлаж тодруулах/
Хүлээн авагчийн нэр:	Иргэн бол овог нэр, Хуулийн этгээд бол аж ахуйн нэгжийн нэр
Гүйлгээний утга:	Багануур хувьцааны мөнгө + шимтгэл

Хувьцаа худалдан авахтай холбоотой арилжааны шимтгэлийг өөрийн харилцагч брокер, дилерийн компаниас тодруулна уу.



ҮНЭТ ЦААСНЫ ТАНИЛЦУУЛГА БЭЛТГЭХЭД ОРОЛЦСОН БАЙГУУЛЛАГУУДЫН МЭДЭЭЛЭЛ

Аудит

“Эрнст энд Янг Монголиа Аудит” ХХК

Хаяг: Найман зовхис -200, Сөүлийн гудамж 21, Улаанбаатар, Монгол

Утас: (976) 11 312005

Факс: (976) 11 312042

Э-шуудан: altansukh.ganbaatar@mn.ey.com

Вэб хуудас: www.ey.com

Үнэлгээ

“Үндэсний Реалти” ХХК

Хаяг: Бага тойруу 6/7, Нэгдсэн үндэсний гудамж, 4-р хороо, Чингэлтэй дүүрэг, Улаанбаатар, Монгол

Утас: (976) 9989 6330

Э-шуудан: b_naraa2@yahoo.com

Вэб хуудас:

Хууль

“Жи Ти Эс Адвокатес” ХХН

Хаяг: 403 тоот, “New Century Plaza” байр, Чингисийн Өргөн чөлөө - 15, Сүхбаатар дүүрэг, Улаанбаатар, Монгол

Утас: (976) 1133 1020, 1133 2020

Факс: (976) 11 7011 5060

Э-шуудан: zoljargal@gtsadvocates.mn

Вэб хуудас: www.gtsadvocates.mn

Андеррайтер

“Ти Ди Би Капитал ҮЦК” ХХК

Хаяг: Худалдаа хөгжлийн банкны байр, 14210 Энхтайваны өргөн чөлөө 19, Сүхбаатар дүүргийн 1-р хороо, Улаанбаатар, Монгол

Утас: (976-11) 311914

Факс: (976-11) 311944

Э-шуудан: info@tdbcapital.mn

Вэб хуудас: www.tdbcapital.mn



ХӨРӨНГӨ ОРУУЛАГЧДЫН АНХААРАЛД

ҮНЭТ ЦААС ГАРГАГЧ НЬ МОНГОЛ УЛСЫН “КОМПАНИЙН ТУХАЙ ХУУЛЬ”, “ҮНЭТ ЦААСНЫ ЗАХ ЗЭЭЛИЙН ТУХАЙ ХУУЛЬ” БОЛОН САНХҮҮГИЙН ЗОХИЦУУЛАХ ХОРОО, МОНГОЛЫН ХӨРӨНГИЙН БИРЖИЙН БАТАЛСАН 2016 ОНЫ 4 ДҮГЭЭР САРЫН 28-НЫ ӨДРИЙН БАЙДЛААР ХҮЧИН ТӨГӨЛДӨР МӨРДӨГДӨЖ БУЙ ХОЛБОГДОХ ЖУРМУУДЫН ДАГУУ НЭМЖ ХУВЬЦАА ГАРГАХ ЗАМААР ӨӨРИЙН ХУВЬ НИЙЛҮҮЛСЭН ХӨРӨНГИЙН ХЭМЖЭЭГ НЭМЭГДҮҮЛЖ БАЙГАА БОЛНО.

ҮНЭТ ЦААСЫГ МОНГОЛЫН ХӨРӨНГИЙН БИРЖ БҮРТГЭСЭН НЬ УГ ҮНЭТ ЦААСНЫ ЭРСДЭЛИЙН ТАЛААР АЛИВАА БАТАЛГАА ГАРГААГҮЙ БОЛОХЫГ АНХААРАХ НЬ ЗҮЙТЭЙ. ЭНЭХҮҮ ҮНЭТ ЦААСЫГ ХУДАЛДАН АВАХ ЗАМААР ХӨРӨНГӨ ОРУУЛАЛТ ХИЙХ НЬ ХӨРӨНГӨ ОРУУЛАГЧ ТАНЫ ХУВЬД ЯМАГТ ЭРСДЭЛТЭЙ ҮЙЛДЭЛ БАЙДГИЙГ ОНЦГОЙЛОН АНХААРЧ, ҮНЭТ ЦААСНЫ ТАНИЛЦУУЛГА, ҮНЭТ ЦААС ГАРГАХ АЖИЛЛАГААГ САЙТАР АНХААРАН СУДАЛСНЫ ҮНДСЭН ДЭЭР ХӨРӨНГӨ ОРУУЛАЛТЫН ШИЙДВЭРЭЭ ГАРГАХЫГ ЗӨВЛӨЖ БАЙНА.

Энэхүү үнэт цаасны танилцуулгад хөрөнгө оруулагч танд үнэт цаас худалдан авах шийдвэр гаргахад туслах, шаардлагатай бүхий л мэдээллийг агуулахыг зорьсон болно. Танилцуулгад хөрөнгө оруулагч танд шаардлагатай мэдээллийг бүрэн тусгаагүй байж болох бөгөөд үнэт цаас гаргах үйл ажиллагааны талаар болон үнэт цаасны танилцуулгатай холбоотой тодруулах зүйлсийг Үнэт цаас гаргагч “Багануур” ХК болон андеррайтер “Ти Ди Би Капитал ҮЦК” ХХК-тай танилцуулгад тусгагдсан хаягаар холбогдон авна уу.

ХУВЬЦАА ГАРГАГЧ



Багануур дүүрэг, 3-р хороо,
Үйлдвэрийн хэсэг, Улаанбаатар,
Монгол Улс

(976) 70210114, (976) 70213739

bjsc@baganuurmine.mn

www.baganuurmine.mn

АНДЕРРАЙТЕР



14210 Энхтайваны өргөн чөлөө 19,
Сүхбаатар дүүрэг, 1-р хороо,
Улаанбаатар, Монгол

(976-11) 311914, (976) 70110261

info@tdbcapital.mn

www.tdbcapital.mn